


TEZAU LITURGIC

11 IUNIE

SLUJBA SF.222 MUCENICI DE LA PEKIN-CHINA



MOSCOVA, 2000



Мѣсяца Іуніа, въ 11-й дѣнь СЛУЖБА СВЯТЫМЪ ПЕРВОМУЧЕНИКОМЪ ЗЕМЛИ КИТАЙСКІЯ

НА МАЛЪЙ ВЕЧЕРНИ,

На Господи воззвахъ, стихиры, гласъ 1.

Подобень: Небесныхъ чиновъ.

Небоплетѣнныя вѣнцы пріяли есте отъ Подвигоположника Христа, преславниі новомученицы земли Китайскія, ангеломъ подобницы богораченіемъ суще, о насъ молитесь, прелестнаго житія сего море преплыти, и въ небесную пристань достигнути.

Небодостойный лице, воскресшему Христу пожростесь, да лучшая приобрящете, болѣзными и страданіи вашими возвеселите ангеловъ и челоуковъ множества, тѣмже, память вашу совершающія, отъ болѣзней и страстей многихъ исцѣлите.

Слава, гласъ и подобень тойже:

Небосвѣтліи востока дальняго свѣтильницы явистесь, и мракъ адовъ древняго темнонейшества разористе; скудства похваль

нашихъ не презрите, но лучами небомудрія души чтущихъ подвиговъ вашъ присно просвѣщайте.

И нынѣ, богородиченъ, гласъ и подобенъ тойже:

Небесныхъ чиновъ радование,* на земли человекъ крѣпкое предстательство,* Пречистая Дѣво,* спаси ны, иже къ Тебѣ прибѣгающія,* яко на Тя упованіе* по Бозѣ, Богородице, возложихомъ.

На стиховнѣ стихиры, гласъ 2.

Подобенъ: Дѣме Евфраѳовъ.

Мучениковъ китаѣскихъ* красная исправленія воспѣвающе,* источницы росы небесныя* обрѣтаемъ цѣльбоносныя,* молитвенницы вѣрнымъ вѣрніи.

Стихъ: Отъ востокъ солнца до западъ хвально имя Господне.

Банею пакибытія* улучивше просвѣщеніе,* кровію послѣди* креститесь, страдальцы,* совершеннѣйше.

Стихъ: Отъ странъ собратъ ихъ, отъ востокъ, и западъ, и сѣвера и моря.

На колесницѣ крове ваша всѣдше,* славнии новомученицы,* путь постигосте небесный,* и въ Новый Иерусалимъ* тѣмъ вселитесь.

Слава, и нынѣ, гласъ 5:

Кто воспоетъ по достоянію благосердія Твоего бездну, Пренепорочная Богоневѣсто? Мудрии молчатъ, красноглаголиви изнемогають, мы же, яко младенцы, вопіемъ Ти: радуйся, скорбящимъ радости, богатство нищимъ, сирымъ — Мати и славо презрѣннымъ!

**Тропарь святымъ первомученикомъ
Китайскимъ, гласъ 5:**

Въ странѣ язычествѣй вѣрою Православною просвѣтитесь* и вмалѣ въ вѣрѣ поживше, Царствіе вѣчное наслѣдовасте,* чистотою нравовъ христіанскихъ* лжеблагочестіе конфуціанское посрамите,* и бѣсодохновенный буддизмъ попрасте яко уметы,* кровію вашею землю Китайскую освящающе,* тѣмже, молимся, Владыку всѣхъ молите,* страну вашу въ послѣдняя времена вѣрою Православною просвѣтити,* и насъ въ ней укрѣпити.

И отпусть.

НА ВЕЛИЦЬЙ ВЕЧЕРНИ,

**Блаженъ мужъ, антифонъ, гласъ 1. На Господи
воззвахъ, поставимъ стиховъ 8, и поемъ
стихиры, гласъ 5. Подобень: Радуйся,
Живоносный Кресте.**

**Се, нынѣ, благословите Господа, вѣрнии,* се,
нынѣ, радуйся Православная Церкве,* радость
мучениковъ* дивно воспѣваючи:* свѣтильники
бо новыми небо красуется,* ангели ликуютъ,
вѣнцы имъ подающе,* человецы
срадуются,* хваления возносяще,* земля же
Китайская освященна торжествуетъ* и мы
мученикъ славныхъ* свѣтлое прославление
празднуемъ.**

**Радуйся нынѣ, отче Иоанне,* свѣтило
Тобольское,* первыхъ въ Китаѣ проповѣдникъ
Православія пославый;* радуйся и ты, Иркутскій
свѣтильниче,* Иннокентіе
пречудне,* благовѣстникомъ православнымъ въ
Китаѣ покровителю и споспѣшниче; се чада
ваша прославляются,* яко добліи земли сея
первомученицы,* се безчадная
раждаетъ,* безводная пустыня рѣки живота
источаетъ,* чудо дивное,* радости велія,* о насъ
Христа, мученицы, молитѣ.**

Гласъ 8:

Господи, благоволилъ еси землю Твою,* и языкомъ Свѣтъ явился еси,* крила проповѣди истины и надъ землею нашею простерлъ еси, — * сице мученицы взываху, — * егда Тебѣ ради, Исусе Сладчайшій, закалахуся,* сице и мы Тя прославляемъ,* Животѣ и Воскресеніе наше,* Господи, слава Тебѣ!

О, дивное вѣры таинство!* О, глубины премудрости Твоея, Христѣ!* Во всѣхъ бо языцѣхъ спасеніе Твое,* ибо падшему роду нашему покаяніе* туне даровати изволилъ еси,* что убо воздамы Тебѣ? — * Сице глаголетъ святыхъ новомученикъ соборъ,* имже нынѣ со слезами молимся:* отъ всякихъ бѣдъ свободите* любовію васъ чтущія.

Слава, гласъ 2:

Соборе святыхъ новомученикъ,* земли Китайскія полче божественный,* утвержденіе вѣрнымъ, ликованіе всѣхъ святыхъ:* рѣзанія горькія болѣзни,* крове токи, во главу усѣченія,* удъ терзанія, плоти раздранія, — * вся претерпѣли есте, дивнии, на камени вѣры истинныя утвердившесе,* пѣніе Богу въ мукахъ возсылали есте,* и яко злато въ горниль

просвѣщшеся,* васъ величающихъ въ скорбехъ укрѣпляетъ.

**И нынѣ, богородиченъ праздника.
Входъ.Свѣте Тихій.Прокимень дне и чтенія 3.**

Пророчества Исаина чтеніе:

Тако глаголетъ Господь: вси языцы собращася вкупѣ, и соберутся князи отъ нихъ, кто возвѣститъ сія въ нихъ? Или яже отъ начала, кто слышана сотворитъ вамъ? Да приведутъ свидѣтели своя и оправдятся, и да услышатъ, и да рекутъ истину. Будите Ми свидѣтели, и Азь Свидѣтель, глаголетъ Господь Богъ, и отрокъ, егоже избрахъ, да познаете и вѣруете Ми, и разумѣете, яко Азь есмь; прежде Мене не бысть инъ богъ, и по Мнѣ не будетъ. Азь есмь Богъ, и нѣсть развѣ Мене спасаей. Азь возвѣстихъ и спасохъ, уничижихъ, и не бѣ въ васъ чуждѣй. Вы Мнѣ свидѣтели, и Азь Господь Богъ. И еще отъ начала Азь есмь, и нѣсть отъ рукъ Моихъ избавляй; сотворю, и кто отвратитъ то? Сїце глаголетъ Господь Богъ, избавляй васъ Святый Израилевъ.

Премудрости Соломоновы чтеніе:

Праведныхъ души въ руцѣ Божіей, и не прикоснется ихъ мука. Непщевани быша во

очесѣхъ безумныхъ умерѣти, и вмѣнися озлобленіе исходъ ихъ, и еже отъ насъ шествіе сокрушеніе; они же сѹть въ мирѣ. Ибо предъ лицемъ человѣческимъ аще и муку приимуть, упованіе ихъ безсмертія исполнено. И вмалѣ наказани бывше, великими благодѣтельствовани будутъ, яко Богъ искуси я и обрѣте ихъ достойны Себѣ. Яко злато въ горнилѣ, искуси ихъ и, яко всеплодіе жертвенное, пріять я. И во время посѣщенія ихъ возсіяють и, яко іскры по стѣблю, потекутъ: судятъ языкомъ и обладають людьми, и воцарится Господь въ нихъ во вѣки. Надѣющіися Нань разумѣють истину и вѣрніи въ любви пребудутъ Емѹ, яко благодать и милость въ преподобныхъ Его и посѣченіе во избранныхъ Его.

Премудрости Соломо́ни чтеніе:

Праведницы во вѣки живутъ, и въ Господѣ мзда ихъ, и попеченіе ихъ у Вышняго. Сего ради приимуть царствіе благолѣпія и вѣнецъ доброты отъ руки Господни, зане десницею покрыетъ я и мышцею защититъ ихъ. Прииметъ всеоружіе — рвеніе свое и вооружитъ тварь въ мѣсть врагомъ. Облечетъся въ броня правды и возложитъ шлемъ — судъ нелицемѣренъ. Прииметъ щитъ непобѣдимый — преподобіе, поостритъ же напрасный гнѣвъ — во оружіе,

споборетъ же съ нимъ мѣръ на безумныя. Пойдутъ праволучныя стрѣлы молніины и, яко отъ благокругла лука облаковъ, на намѣреніе полетятъ, и отъ каменомѣтныя ярости исполнь падутъ грады. Вознегодуетъ на нихъ вода морская, рѣки же потопятъ я нагло. Сопротивъ станетъ имъ духъ силы и, яко вихоръ, развѣетъ ихъ, и опустошитъ всю зѣмлю беззаконіе, и злодѣйство превратитъ престолы сильныхъ. Слышите убо, царіе, и разумѣйте, навѣкните, судіи концевъ земли. Внушите держащии множества и гордящися о народѣхъ языковъ, яко дана естъ отъ Господа держава вамъ и сила отъ Вышняго.

На литіи стихиры, гласъ 1.

Подобенъ: Всехвальнии мученицы.

Всехвальнии мученицы, Китаѣя боговѣнчаный сонме, рода вашего не забудьте, но, яко званіи свѣше, Вышняго Бога теплѣ умоляйте, о грѣсѣхъ нашихъ не прогнѣватися до конца, еретическая злохуленія словомъ премудрости попалити, истинную вѣру въ земли вашей умножити, сердца наша окамененная умягчити, и свѣтомъ Божественнымъ, васъ почитающихъ, спасительнѣ озарити.

Гласъ 2. Подобень: Кіими похвальными.

Кіими похвальными пѣснями прославимъ свѣтлое ваше скончаніе, Христовы агнцы непорочніи, священными усты Троицу нынѣ прославляющіи, благочестія поборницы, славы небесныя любителие, источники благодатныхъ исцѣленій неисчерпаеми, вѣрнымъ тепліи пособники, молящися Христу даровати намъ велию милость.

Гласъ 4.

Языки на земли наставиши, воспѣ иногда Давидъ богоглаголивый, познати путь Твой: приспѣ убо и земли Китайстѣй время, согласно пророчеству псаломника, плодъ принести Вертоградарю Творцу, сладостный и добрый — новомученикъ пресвѣтлое множество, молящихся Христу о спасеніи душъ нашихъ.

Слава, гласъ 6:

Свѣтлое, памяти ваша, торжество совершающе, веселіемъ исполняемъ. Дерзновеннымъ молитвенникомъ сущимъ вамъ, о насъ пролейте теплое моленіе, немощныя укрѣпите, болящимъ здравіе даруйте, скорбящимъ же и озлобленнымъ — утѣшеніе, радующимся — смиреніе, буруемаемымъ

страстьми — цѣломудріе, невѣрнымъ — просвѣщеніе, вѣрнымъ же — всяческихъ грѣховъ устраниеніе.

И нынѣ, богородиченъ, гласъ тойже:

Нынѣ раздрася совѣтъ діаволь, нынѣ сокрушился держава сатаны: Рождествомъ бо Твоимъ, Мати Дѣво, яко птицы отъ сѣти новомученицы избавишася, Свѣтомъ истиннымъ просвѣтишася и се, предстояще предъ престоломъ Божиимъ, съ Тобою молятся о спасеніи всѣхъ почитающихъ Тя, Богородицу, воистинну.

На стиховнѣ стихиры, гласъ 8.

Подобенъ: О, преславнаго чудесе!

Богомудрый соборе,* настá днесь пáмьятъ вáша лучезáрная,* Христова Цáрствія наслѣдницы,* послушáнія до смѣрти и любве божественныя подвижницы:* вся Цѣрковь вáсь любовію поётъ,* солнце и звѣзды вкупѣ сликовствують,* вы же собравшимся въ храмъ вáшемъ* подаваете мѣръ, и радость* и надежду спасенія.

Стихъ: Отъ востокъ солнца до западъ хвально имя Господне.

О, пресла́внаго чудесе́!* Низборене́ де́моновъ,
человѣкомъ заступни́цы,* показа́ль еси́, Христе́
Бо́же нашъ,* страсотерпцы́ земли́
Кита́йскія,* иже во ору́жие свѣта
облѣкшеся,* лю́тыя му́ки претерпѣша,* вы́спрь
яко орлы́ воспари́ша,* поднебесныхъ́ духо́въ
посрами́ша,* и въ черто́гъ небесный́ всели́шася.

Стихъ: Отъ страна́ собра́ ихъ, отъ восто́къ, и
запа́дъ, и сѣвера и мо́ря.

Ра́дуйся, богозваннѣ́й мучениковъ́
соборе́,* ра́дуйся, свѣтоплодо́витый са́де
богоса́днѣ́й,* сугубосотнѣ́й по́лче
боже́ственнѣ́й,* земля́ Кита́йская даде́ пло́дь
сво́й* Содѣ́телю всяческихъ́: кро́вь ва́шу —
вѣрнымъ́ рѣ́ки цѣлѣбны́я;* плоти́ умерщвлѣ́ние —
а́нгеловъ́ весѣ́лие;* моли́твы ва́ша —* челове́комъ
спасѣ́ние.

Сла́ва, гласъ 5. Подобенъ: Ра́дуйся.

Ра́дуйся, страотерпе́ць соборе́
боже́ственнѣ́й,* звѣре́мъ невидимымъ́ зу́бы
сокруши́вши,* а́нгеломъ
подража́теліе,* челове́комъ те́пліи
предста́теліе,* Це́ркве украше́ние,* вѣрнымъ́
приста́нище,* страна́ Кита́йстѣ́й
печа́льницы,* правосла́внымъ́ въ не́й

прише́льцемъ храните́ліе,* усер́дно моля́щися о душа́хъ на́шихъ.

И ны́нѣ, богоро́диченъ, гласъ тойже:

Хра́мъ и Две́рь еси́, Пала́та и Престо́лъ Царе́въ, Дѣво́ всечестна́я, Ею́же Изба́витель мо́й, Христо́съ Госпо́дь, во тмѣ́ спя́щимъ яви́ся, Со́лнце сый́ правды́, просвѣ́тити хотя́, яже созда́ по образу́ Своему́ руко́ю Своею́. Тѣмже́, Всепа́тая, яко́ Ма́терне дерзнове́ніе къ Нему́ стяжав́шая, непреста́нно моли́, спаси́ся душа́мъ на́шимъ.

**На благослове́ніи хлѣ́бовъ, тропа́рь
первому́ченикомъ два́жды, таже́ Богоро́дице
Дѣво́, едино́жды.**

НА УТРЕНИ

**На Бо́гъ Госпо́дь: тропа́рь первому́ченикомъ,
гласъ 5:**

Въ странѣ́ язы́честѣй вѣро́ю Правосла́вною просвѣ́титесь* и вмалѣ́ въ вѣрѣ́ пожив́ше, Ца́рствіе вѣ́чное насле́довасте,* чистото́ю нра́вовъ христіа́нскихъ* лжеблагоче́стіе конфуціа́нское посра́мисте,* и бѣсодохнове́нный будди́змъ попра́сте яко́ уме́ты,* кро́вию ва́шею зе́млю Кита́йскую освяща́юще,* тѣмже́, мо́лимся,

Владѣку всѣхъ молите,* страну вашу въ послѣдняя времена вѣрою Православною просвѣтити,* и насъ въ ней укрѣпити. [Дважды.]

Слава, и нынѣ, богородиченъ, гласъ тойже:

Еже отъ вѣка утаенное,* и ангеломъ несвѣдомое таинство:* Тобою, Богородице, сущимъ на земли явися,* Богъ въ неслитномъ соединеніи воплощаемъ,* и крестъ волею насъ ради воспримъ,* имже воскресивъ первозданнаго,* спасе отъ смѣрти души наша.

По 1-мъ стихословіи сѣдаленъ, гласъ 6:

Царствующу императору Гуансюю въ земли Китайстѣй, Христось въ васъ, мученицы крѣпкіи, вселися и царствіе Своё невидимо вамъ дарова; иже бо на Крестѣ спасшагося образъ на себѣ носяще, во единомъ часѣ раеви сподобистеся. Тѣмже и насъ помяните предъ престоломъ Владычнимъ.

Слава:

Свѣтила богозаренная, Христовы мученицы, просвѣтите родъ вашъ во тмѣ житія, яко да нощь невѣрія прешедше, благообразіе Христова возлюбятъ, и слѣдотвореньми вашими укрѣпльшеся, вамъ благодарственная воспоютъ.

И нынѣ, богородиченъ:

Немо́кренно дре́вле Изра́иль Тебе́, Пречи́стая, прообра́зюя, Чермно́е пройде мо́ре, нынѣ но́вый Изра́иль неискусобра́чіе Твое́ поётъ, и съ мученики вопіётъ: незаходи́мыми луча́ми ро́дъ челове́ческой просвѣща́я, просвѣти́ вся ищущія Го́спода и Сы́на Твоего́.

По 2-мъ стихословіи съда́ленъ, гласъ 3:

Первозва́ннии ва́съ обрѣ́те Христо́съ ро́да кита́йскаго мучени́цы, якоже у́бо низложи́ли есте́ зме́ву горды́ню, и на по́двигъ дерзнове́нно поте́кше, въ тѣлесе́хъ ва́шихъ Христа́ просла́вили есте́; То́го у́бо, святи́и, прилѣ́жно нынѣ мо́лите, дарова́ти намъ ве́лю ми́лость.

Сла́ва:

Ро́жденни́и во тьмѣ́ невѣ́дѣнія, богоза́рни по сме́рти яви́стеся. О, ва́шего боголю́бія! Аще и недо́лзѣ въ вѣ́рѣ поживше, крѣ́пцы въ му́кахъ за Христа́ пребы́сте, тѣмже со́гласно ва́мъ поёмъ: ра́дуйтеся, боговожде́лнни́и ро́да кита́йскаго свѣ́тильни́цы!

И нынѣ, богородиченъ:

Свѣ́тонача́льника Христа́ ро́ждшая, То́му, со святи́тели да́льнаго восто́ка: Иннокенти́емъ,

Никола́емъ, но́вымъ Ио́анномъ и Ио́ною
новопросла́вленнымъ, те́плѣ моли́ся,
свѣтоза́рѣніемъ Боже́ственнаго сло́ва сла́ву Свою́
повѣсти и въ ро́дѣ Кита́йстѣмъ, Богоро́дице
Дѣво.

По поліеле́и сѣдаленъ, гласъ 8:

Высо́кими умы́, дре́вомъ крѣстны́мъ
просвѣтѣвшеся, во гла́вѣ съ Митрофа́номъ,
нача́ло свѣтлое, въ му́кахъ освяще́нный сонме,
положи́те роду ва́шему: да не оскудѣ́ютъ у́бо
отъ ва́съ слезны́я моле́нія, во е́же слезъ
испо́лненное житіе́ преити́ спасите́льнѣ всѣмъ
чту́щимъ ва́съ любове́ю.

Сла́ва, и ны́нѣ, богоро́диченъ:

Непороч́ная Агни́це, Богома́ти Пречи́стая, кто́
любо́вь Твою́ ко всѣмъ чело́вѣкомъ изрече́тъ?
Тобо́ю веселѣ́тся вся́кая тва́рь, Тебѣ́ сра́дуется
новопросла́вленный земли́ Кита́йскія
первому́ченикъ собо́ръ, ихже моли́твы о на́съ
приѣмши, принеси́ Сы́ну Твоему́, да спасе́тъ
Тобо́ю ду́ши на́ша.

Та́же степенна, 1-й антифо́нъ 4-го гласа.
Прокименъ, гласъ 4: Тебе́ ра́ди,
Го́споди,* умерщвля́еми есмы́ весь де́нь. **Стихъ:**
Вмѣни́хомся яко́ о́вцы заколе́нія. **Вся́кое дыха́ние**

да хва́литель Го́спода. Ева́нгеліе отъ Матѳея,
зача́ло 36. По 50-мъ псалмѣ́, Сла́ва:
Моли́твами новомучениковъ... и прочая.

Таже стихи́ра, гласъ 6-й:

Земля́ Кита́йская днесь свѣтоно́сными
освяща́ется кровью́,* вѣ́ка захо́дь озаря́ется
мученическими свѣтлос́тьми,* и Це́рковь
Христо́ва благоза́рными красу́ется
звѣзды́,* свѣтомъ́ бо Христо́выхъ просвѣ́щшеся
страсте́й,* страстоно́сіе сконча́ша сла́вно
новомученицы́,* жи́зни вѣ́чныя вѣнцы́
прія́ша,* и свѣтонаста́вницы всѣ́мъ пра́вды
жа́ждущимъ яви́шася.

**Кано́нъ святы́мъ перво́мученикомъ земли́
Кита́йскія, гласъ 6.**

Пѣснь 1.

Ирмосъ: *Волно́ю морско́ю скрѣ́вшаго дрѣ́вле,
гоните́ля мучите́ля — подъ земле́ю скрѣ́ша
спасѣ́нныхъ о́троцы; но мы́ яко́ отрокови́цы,
Го́сподеву пои́мъ, сла́вно бо просла́вися.*

Припѣ́въ: **Святѣи перво́мученицы кита́йстїи,
моли́те Бо́га о насъ!**

Пра́вду Твою́, Христѣ́ Бо́же, въ се́рдць моѣ́мъ
не скрѣ́ю, и спасѣ́ніе Твое́ во всѣ́хъ язы́цѣхъ
воспою́; прикосни́ся у́бо усто́мъ моѣ́мъ, у́гліемъ

Ду́ха Твоего́ скве́рну мою́ очища́я, Сло́ве, да
доброслове́снѣ́ воспою́́ первому́ченикѣ́
кита́йскихѣ́ по́двигѣ́ кра́сный.

Святы́й апо́столе Ѳомо́, Ева́нгелія́ въ земли́
импера́тора же́лтаго пе́рвый проповѣ́дниче,
ра́дуйся ны́нѣ́, досто́йное ро́ждіе Христо́во зря́:
новому́чениковѣ́ ли́къ, вѣ́ры Правосла́вныя,
тобо́ю дре́вле проповѣ́данныя, но́вая хвала́,
вѣ́рнымѣ́ же ра́дованіе.

Сѣ́дящимѣ́ вамѣ́ во тьмѣ́ и сѣ́ни сме́ртнѣ́й,
свѣ́томѣ́ Правосла́вія озари́стеся и къ и́стинному
Бо́гу, въ Трои́цѣ́ Еди́ному, всѣ́мѣ́ се́рдцемѣ́
притеко́сте, отону́дуже и свѣ́тоно́сіемѣ́ ва́шимѣ́
вѣ́рніи ны́нѣ́ просвѣ́щаются.

Свяще́ннѣ́йшее і́мя Христо́во въ Кита́и ва́ми
ны́нѣ́ возвели́чися, прехва́льніи страстоте́рпцы,
і́бо во исповѣ́даніи ва́шемѣ́ до конца́
непоколе́блемо́ пребы́вше, а́нгеловѣ́
возра́довасте и челове́ковѣ́ удиви́сте.

Богоро́диченъ: Вои́стинну́ Тя, Дѣ́во
Преблагослове́нная, вси́ ро́ди велича́ють, се́ бо и
земля́ Кита́йская Тебѣ́ новому́ченикѣ́ усты́
благодáрственная воспису́еть: ра́дуйся, Спа́са
на́шего нетла́нно ро́ждшая.

ПѢСНЬ 3.

Ирмосъ: Тебѣ, на водахъ повѣсившаго всю зѣмлю неодождимо, тварь, видѣвши на лобнѣмъ висима, ужасомъ многимъ содрогашеся, нѣсть святъ, развѣ Тебѣ, Господи, взывающи.

Аще и въ странѣ безбожнѣй родистеся, богорачительнѣ истину разыскасте и воду живу ю въ животъ вѣчный текущую въ Церкви Православнѣй обрѣтосте.

Сниде нечаянно дождь испытаній, придоша рѣки гнѣва, языковъ бѣри нападоша на вы, христомученицы добліи, ихже небурно, яко вѣрніи Христу до смерти, претерпѣсте до конца.

Красное ваше къ Горнему Іерусалиму шествіе воспѣваемъ, мужедоблестію дивимся, боголюбіемъ вашимъ души наша, досточудніи, услаждаются, тѣмъ убо будите намъ и въ радостѣхъ и въ скорбехъ сошественники.

Аще посредѣ терній крину прозябшему дивимся, кольми паче свѣтлымъ симъ звѣздамъ, въ безднѣ языческаго мрака ясно возблиставшимся, васъ поемъ, востока дальняго богозарніи свѣтильницы.

Богородиченъ: Богъ среди Тебѣ вселився, никако дѣвства Твоего ключи поколеба, Чистая,

Его́же прилѣжно моли́, утверди́ти вся́ пою́щія
Тя́.

Сѣда́лень, гла́сь 8:

Свѣ́томъ небѣ́снымъ сія́еть днѣ́сь хра́мъ се́й:
недугоцѣ́лительный́ кла́дязь неисчерпа́емый,
новому́ченикъ собо́ръ, во́дь свои́хъ пода́еть
живоро́дную сла́дость, лю́бовію чту́щимъ я́, и
сласте́й напо́еніе го́рькое су́шить.

Сла́ва, и ны́нѣ, богоро́дичень:

Земна́го житі́я прелѣ́стныхъ отто́ргшеся, и
плѣ́ти му́ками креству́емы отрѣ́шшеся,
крестонѣ́сному Бо́гу на́шему вѣ́рны до сме́рти
пребы́ша, отъ Тебе́ плѣ́тію Рожде́нному, Ма́ти
Дѣ́во; ихъ моли́твами, я́ко Благая́, очисти ны́ отъ
вся́каго грѣ́ха, Кресто́мъ Божѣ́ственнымъ.

Пѣ́снь 4.

Ирмо́сь: *На Крестѣ́ Твое́ Божѣ́ственное
исто́щаніе прови́дя, Авваку́мъ, ужа́сся, вопія́ше:
Ты́ си́льныхъ пресѣ́клъ еси́ держа́ву, Бла́же,
приобща́яся су́щимъ во а́дѣ, я́ко Всеси́лень.*

Му́ченицы преблаже́ннии, са́ми себе́ на во́льное
преда́сте заколе́ние, и зе́млю Кита́йскую кровью́
свои́ми освя́тивше, и ны́нѣ о всѣ́хъ, лю́бовію

па́мьятъ ва́шу пра́зднующихъ, моли́те Христа́ Бо́га.

Припѣвь: **Святы́й му́чениче Па́вле, моли́ Бо́га о на́съ.**

Па́влу, вели́кому язы́къ апо́стола, тезоимените, му́чениче Па́вле, ра́дости испо́лнь, про́повѣди послужилъ еси́ евангелъстѣй, и съ моли́твою во устѣхъ ду́шу свою́ Бо́гу возлю́бленному отъ тебѣ преда́лъ еси́.

Припѣвь: **Свята́я му́ченице Іе, моли́ Бо́га о на́съ.**

Іе, блаже́нная вѣры наста́внице, не убо́ялася еси́ за Христа́ пострада́ти, и два́жды заму́чена бѣвши, кра́сное по́прище, я́ко а́гница Христо́ва непоро́чная, въ чи́стѣй вѣрѣ сконча́ла еси́.

Припѣвь: **Святы́й му́чениче Іоа́нне, моли́ Бо́га о на́съ.**

Отроче Іоа́нне, о́смь лѣтъ отъ рождества́ твоего́ въ ми́рѣ се́мь поживъ, мѣру́ возраста Христо́ва достигъ еси́, я́ко за Христа́ закланъ бѣлъ еси́, та́же я́ко а́гнецъ всесожже́нь. Ра́дуйся ны́нѣ, но́вый Іса́ае, ра́дуйся, му́чениче всечудне!

Богоро́дичень: Богороди́тельнице пречу́дная, Просвѣще́ніе ми́ру ро́ждшая, не преста́й моля́щи

вкупѣ съ новомученики, нынѣ прославляемыми, Сына и Бога Твоего, даровати и роду кита́йскому, въ идолослуженіи углѣбшему зѣло, поне́ наконецъ просвѣщеніе.

Пѣснь 5.

Ирмосъ: *Богоявленія Твоего, Христѣ, къ намъ милостивно бывшаго, Исаіа, Свѣтъ видѣвъ Невечерній, изъ но́щи утреневавъ зываше: воскреснутъ мѣртви, и востанутъ сущии во гробѣхъ, и вси земнороднии возрадуются.*

Сіяетъ пѣмѣнь ва́ша, рабы́ Христо́вы вѣрніи, и вѣрныхъ сердца́ теплѣ озаряетъ, покланяющихся любовію образу честному́ вашему и поющихъ вамъ: раду́йтесь, велія́ бо есте́ вѣры Православныя похва́ла!

О, преблаженніи Христо́вы уго́дницы! Не забудите отечества́ вашего́ земнаго: мра́къ Богопротивленія́ отжените, въ невѣдѣніи коснящія́ просвѣтите, и покая́нія вре́мени всѣмъ дарова́тися у Христа́ неотсту́пно просіте.

Воспоймъ свѣтлыя́ о́троцы кита́йскія, отъ возбѣснѣвшихся язы́чникъ за Христа́ закланныя; тѣхъ пѣмѣнь нынѣ соверша́емъ, вио́леѣмское по́двига ихъ подобіе тайнозря́ще: тацѣхъ бо е́сть Ца́рствіе небѣсное!

Припѣвъ: Святѣй мучениче Іоанне, моли Бога о насъ.

Отроче Іоанне, предъ смѣртію осклабляяся, мучителемъ рѣклъ еси, яко нѣсть тяжко за Христа страдати. О, чудное земли Китайскія прозябѣніе! Благоуханіемъ кротости твоея исполни и наша сердца!

Богородиченъ: Всѣхъ Творца, Бога же и Содѣтеля, Всенепорочная Чистая, Духомъ Божественнымъ въ ложеснахъ зачала еси, Егоже славяще, Тя воспѣваемъ, Дѣво, яко палату Царя всѣхъ, и міра заступленіе.

Пѣснь 6.

Ирмосъ: *Ятъ бысть, но не удержанъ въ персехъ китовыхъ Іона: Твоѣ бо образъ нося, Страдавшаго, и погребенію давшагося, яко отъ чертога отъ звѣря изыде. Приглашае же кустодіи: хранящии суетная и ложная, милость сію оставили есте.*

Припѣвъ: Святѣй священномучениче Митрофане, моли Бога о насъ.

Достойно естъ хваленіе особъ тебѣ воспѣти, первый въ Китаѣ священномучениче вѣры Православныя; благослови ны свѣше, отче достохвальне, и молитву нашу Богу принеси.

Припѣвъ: **Святѣй** священномучениче
Митрофане, моли Бога о насъ.

Въ дому христіанъ православныхъ рождѣся, во благочестіи добрѣ воспитанъ былъ еси, и отъ юности твоя истинную вѣру возлюбилъ еси, Митрофане достоблаженне.

Припѣвъ: **Святѣй** священномучениче
Митрофане, моли Бога о насъ.

Въ вѣрѣ Христовѣ непоколебимъ пребывъ, удостоился еси до смѣрти за Христа пострадаѣти, тѣмже радуйся, правило вѣры, образе кротости, благочестія похвало!

Припѣвъ: **Святѣй** священномучениче
Митрофане, моли Бога о насъ.

Священнаго званія аще и недостойна себѣ нещеваль еси, возведѣ тя апостоль Япониі великій Николай на гору пастьорскаго рѣду твоему служенія; нынѣ же съ равноапостоломъ Троицѣ купно предстояща, молитася усердно спастися душамъ нашимъ.

Припѣвъ: **Святѣй** священномучениче
Митрофане, моли Бога о насъ.

Первѣе поты служенія ниву душъ напаяя, послѣжде крове пролитіемъ злаки немощныя

укрѣпляя, и по смѣрти о родѣ твоѣмъ печѣшися, славне.

Богородиченъ: Святѣйшу а́нгеловъ и всея́ тва́ри Вы́шшу, изъ Тебе́ плото́ю Роди́выйся, Тя содѣла, тѣмже, яко Влады́чица, съ новомученики земли Кита́йскія, о насъ Сы́на и Бо́га Твоего́ моли́.

Кондакъ, гласъ 1:

Мученицы послѣднихъ вре́мѣнь,* въ кро́ви Агнчей ризы своя́ убѣли́ли есте́,* любве́ ради ко Христу́ кро́вь ва́шу проля́ли есте́,* сего́ ради ны́нѣ въ Це́ркви небеснѣй де́нь и но́щь Ему́ служите;* тѣмже за ны́ Христа́ молите, мученицы сла́внии,* отъ прельще́нїя антихриста́ да сокры́етъ ма́лое ста́до свое́,* и отъ ско́рби вели́кїя да насъ всѣхъ приведе́тъ* ко странѣ́ невече́рняго свѣ́та.

Икосъ:

Ангельсти́и вои́ возрадуваху́ся, егда́ отъ мра́ка язы́чества къ свѣ́ту Правосла́вія притеко́сте, святы́мъ креще́нїемъ ду́ши и тѣлеса́ ва́ша отъ грѣховъ очища́юще. Мы́ же, жребі́й тяжкѣ́й въ вѣ́щъ се́мъ но́ваго язы́чества Христу́ служи́ти уллучи́вше, предъ́ ико́ною ва́шею пѣ́ніе возно́симъ сицевое́: раду́йтеся, исповѣ́дницы

Хрѣсто́вы въ вѣ́щѣ се́мѣ бо́гоху́льнѣмѣ; ра́дуйте́ся, свѣ́тлыя звѣ́зды восто́ка; ра́дуйте́ся, Исти́нному Бо́гу покло́нницы вѣ́рнии; ра́дуйте́ся, си́льнии бѣ́сомѣ сопро́тивоборцы; ра́дуйте́ся, свѣ́тильницы, тьму́ язы́ческую разгна́вши; ра́дуйте́ся, идо́лы скве́рныя попра́вши; ра́дуйте́ся, земли́ Кита́йскія крѣ́ны пречу́днии; ра́дуйте́ся, о просвѣ́щеніи ро́да ва́шего те́плѣ моля́щися; ра́дуйте́ся, о́вцы многострада́льныя Па́стыря за ны́ закла́вшагося; ра́дуйте́ся, терпѣ́нія столпы́ богора́чительнаго; ра́дуйте́ся, Боже́ственныя лю́бве со́лнца огнезра́чная; ра́дуйте́ся, отъ но́щи невѣ́дѣнія ко́ утру богозна́нія дости́гши; ра́дуйте́ся, сла́внии перво́мученицы кита́йстии, на́съ до конца́ претерпѣ́ти укрѣ́пляющіи!

Пѣ́снь 7.

Ирмо́сь: *Неизрече́нное чу́до: въ пе́щи Изба́вивый преподо́бныя о́троки изъ пла́мене, во гробѣ́ мѣ́ртвѣ бездыха́нень полага́ется, во спасе́ние на́съ пою́щихъ: Изба́вителю Бо́же, благослове́нъ еси́.*

Припѣ́въ: **Свята́я мѣ́ченице Тати́ано, моли́ Бо́га о на́съ.**

Новому́ченицу Тати́ану, во главу́ за Христа́ усѣ́ченную восхва́лимъ, та́ бо за на́съ

ходатайствуетъ предъ престоломъ Троицы Божественныя, еже спастися всѣмъ поющимъ ю.

Припѣвъ: **Святый мчениче Исаіе, моли Бога о насъ.**

Ревность пророческую ко Христу имѣя, блаженне Исаіе, не пощадишь еси тлѣнныя плоти твоя, недостойны нещюя страсти временныя ко хотящей по нихъ явиться слава небеснѣй.

Припѣвъ: **Святая мченице Маріе, моли Бога о насъ.**

Исаія преславнаго обручнице, дивная новомученице Маріе, Пречистѣй Богоматери тезоименна сущи, близъ цѣркве Ея, идѣже и родилася еси, умерети восхотѣла еси.

Радуйтесь, адаманты твердіи, Христовы исповѣдницы; радуйтесь, вѣрнымъ хранителие неотступніи; радуйтесь, чаши Христовѣ причастницы, крещеніемъ Его крестившіися; великую вашу къ Богу любовь вся Церковь нынѣ воспѣваетъ.

Богородиченъ: Новъ Адамъ за перваго Ты былъ еси, отъ Дѣвы за праматерь, Избавитель всѣхъ и Спасъ, за смѣрть — истинная Жизнь безсмѣртная, тѣмже Тя рождшую Богородицу вѣдуще, по достоянію вси вѣрніи ублажаемъ.

ПѢСНЬ 8.

Ирмосъ: Ужаснѣся, бояйсѣ, Небо, и да подвижатся основанія земли: се бо въ мертвецѣхъ вмѣняется въ Вышнихъ Живѣй, и во гробъ малъ страннопріемлется. Егѡже ѡтроцы благословите, священницы воспойте, людѣ превозносите во вся вѣки.

Богоизбранніи новомученицы, вѣрою несомнѣнною въ рукахъ мучителей вдастася: младенцы съ матерями, ѡтроцы и отроковицы, юноши и дѣвы, старцы съ юнотами, именитіи и безыменніи, Богу же Истинному поклонницы вѣрніи, Господа поюще и превозносяще во вся вѣки.

Славный полче бранникъ неустрашимыхъ, удовъ растерзаніемъ діавольскія сѣти растерзаете, и яко звѣзды златозарныя землю Китайскую озарите, сіяніемъ вашимъ и насъ просвѣтите, Господа прославляющія и превозносящія въ храмъ вашемъ.

Прославляемъ васъ, новомученицы всехвальніи, прознательнѣ Человѣколюбцемъ Господемъ избранніи, и молимся: свѣтозарный сонме, просвѣтительнѣ возсіяйте, теплыми къ Богу молитвами, зарі Православія и странъ вашей.

Прорцы нынѣ, Давиде богогласне, яко отъ странъ собра Господь, ихже избави изъ руки врага, отъ востокъ, и западъ, отъ сѣвера и моря, воду бо живу слова Божія обрѣтше напаяють души любовію поющихъ я.

Богородиченъ: Радуйся, Солнце правды міру возсіявшая, Звѣздо златозарная, радости лучами мучениковъ первозванныхъ земли Китайскія нынѣ озаряющая, съ нимиже моли Сына Твоего даровати вселеннѣй миръ и велію милость.

Пѣснь 9.

Ирмосъ: *Не рыдай Мене, Мати, зрящи во гробъ, Егоже во чревь безъ сѣмене зачала еси Сына: востану бо, и прославлюся, и вознесу со славою, непрестанно яко Богъ, вѣрою и любовію Тя величающія.*

О, радости наша, соборе святыхъ дивныхъ! Великія муки ваша, и слезы, и кровей изліяніе почитающе, всею душею васъ умоляемъ: не оскудѣвайте, молящися Царю Христу, даровати всѣмъ въ храмъ вашемъ стѣкшимся спасеніе.

Столпы Цѣркве Православныя на востокѣ дальнѣмъ утвержденныя, васъ воспѣваемъ, прехвальнии, тѣмъ и насъ въ вѣрѣ утверждаете и заступленій рѣки вѣрнымъ источаете.

Стѣлесники челоуѣкомъ суща, естества немощное превзыдоште и ангеломъ дивленіе быште, тѣмъ и немощныя укрѣпляете, болѣзни вѣроу къ вамъ притекающихъ врачуете, страстей вамъ молящихся потребляете, яко страстоносцы пречудни.

Богородиченъ: Яко всѣхъ предстательнице христіанъ, Богомати всенепорочная Владычице, яко милостива, избави отъ бѣдъ и искушеній страждущія рабы Твоя, и недугующія — лютыхъ прегрѣшеній, ранами и болѣзнями тяжкими одержимыя, изврачуи.

Свѣтиленъ, гласъ 2.

Подобенъ: Жены услышите.

Днесъ твердь небесная* звѣзды новыми красуется,* ихже блистаньми море земное* радости лучи испущаеть,* и вѣрнии озаренни ликуютъ,* Свѣтодавцу пѣснь побѣдную поюще.

Слава, и нынѣ, богородиченъ:

Умолена бывши, Всецарице Дѣво,* мольбами честныхъ новомученикъ китайскихъ,* мракъ душевный отъ насъ отыми,* яко Свѣтодателя единого всѣмъ рождающая.

**На хвалітехъ поставимъ стиховъ 4, и поемъ
стихиры, гласъ 4. Подобень: Яко дѡбля.**

Двувѣковныхъ сѣяній проповѣдникъ
русскихъ* плодъ Христу
сугубосотный,* блаженныхъ страототѣрпцевъ
ликъ, нынѣ земли Китайскія приносить:* се
разбоѣша красныя пустыни,* орошеніемъ
священныхъ мученикъ кровми,* ихже память
цѣльбоносную* Церковь Христова нынѣ
празднуетъ;* имже и мы хваленіе усердное
приносимъ:* радуйтеся, молитвенницы васъ
поющихъ неотступніи!

Днесъ ликъ святыхъ новомученикъ
прославляется,* въ земли Китайстѣй Богу всѣхъ
угодившихъ,* предстояще въ храмѣ ихъ умильно
чтущимъ я,* невидимо за ны молятся
Христу,* недужныя исцѣляютъ,* скорбящія
утѣшаютъ,* обуреваемымъ миръ и свѣтъ
душевный подавають,* лучистыми къ Богу* о
насъ грѣшныхъ мольбами.

Днесъ востокъ лучи своя всему міру
подаетъ,* днесъ мрачная удолия прелести
упражняются,* суемудріе языческое
посрамляется* отъ языкъ возсіявшими
Свѣтодавцу поклѡнники.* О, мученицы
славніи,* звѣзды, захѡдъ міра тлѣннаго

озаряющи,* днесь свѣтолітіемъ
вашимъ* Цѣрковь божественная исполняется,* и
вѣрныхъ собраніе о васъ свѣто ликуеть.

Днесь житницы небесныя множества пшеницы
исполняются,* днесь земля Китайская
приноситъ Ти,* Содѣтелю всяческихъ, Боже,
начатки плодоношенія,* яже пріемъ въ въ
пренебесный Твой жертвенникъ,* утверди сіе,
еже о насъ содѣлалъ еси,* умножи намъ лѣта
покаянія, пролей милость Твою міру всѣму,* и
Православія лучами прѣжде конца просвѣти
страну Китайскую,* имѣяй моли́твенники
теплыя,* ликъ новомученикъ преизрядныхъ тамо
Тя прославившихъ.

Слава, гласъ 8:

Насажденный Богомъ
винограде,* крестоносное множество
страдальцевъ чудныхъ,* приспѣвшѣй памяти
вашей,* къ вамъ, благосердніи,
прибѣгаемъ,* пріимите и отъ насъ хваленія сія
недостойная,* и будьте заступницы и
неотступніи ходатаи* всѣмъ сердцемъ вамъ
зовущимъ:* радуйтеся, мученицы
многомилостивіи,* васъ чтущихъ никогдаже
оставляющи.

И ныне, богородичень, гласъ тойже:

Владычице, прими молитвы рабъ Твоихъ, и избави насъ отъ всякія нужды и печали.

Славословіе великое и отпустъ.

НА ЛИТУРГИИ

Блаженна отъ канона святыхъ, пѣснь 3-я и 6-я. Прокимень, гласъ 4: Тебѣ ради, Господи,* умерщвляеми есмы весь день. Стихъ: Вмѣнихомся яко овцы заколенія. Апостолъ къ Римляномъ, зачало 99. Аллилуія, гласъ 2. Богъ боговъ, Господъ глагола, и призва землю отъ востокъ солнца до западъ. Евангеліе отъ Іоанна, зачало 52. Причастень: Радуйтесь праведни о Господѣ, правымъ подобаетъ похвала.

**[Источникъ: Служба святымъ
первомученикомъ китайскимъ, ихже память
мѣсяца Іунія въ 11 день. — Софія, 2000. —
45 с.]**